

მატჩი მოსკოვში

მოსკოვი. “ტორპედოს” სტადიონი. 23 ოქტომბერი.

“ტორპედო” (მოსკოვი) – “დინამო” (თბილისი) 3:2 (1:0).

“ტორპედო”: ზარაპინი, პრიგოდა, ხუდიევი, ბუტურლაკინი, ჟუპიკოვი, ვანიუმკინი (მირონოვი), ფილატოვი, ხლოპოტნოვი, იურინი, სახაროვი, გრიშინი (ხრაბროსტინი).

“დინამო”: გოგია (გაბელია), კოსტავა, კანთელაძე, ხინჩაგაშვილი, მუჯირი, ჩივაძე (ქორიძე), მ. მაჩაიძე, გ. მაჩაიძე, გუცაევი, ყიფიანი, ჩელებაძე.

მსაჯი: ი. სერგეენკო (ხარკოვი).

გოლები გაიტანეს: სახაროვმა, გ. მაჩაიძემ, იურინმა, ხრაბროსტინმა, ყიფიანმა.

გაფრთხილებული არიან ფილატოვი, კანთელაძე, სახაროვი.

დუბლიორები – 0:0.

მატჩი “ტორპედოს” იერიშებით დაიწყო და მანამდე გაგრძელდა, სანამ სახაროვის შორიდან დარტყმულმა ბურთმა წარმატება არ მოუტანა ავტოქარხნელებს. ამის შემდეგ თამაში გათანაბრდა. 47-ე წუთზე კი გ. მაჩაიძემ წონასწორობა აღადგინა.

მე-60 წუთზე “ტორპედო” ისევ გადის წინ (იურინი). 83-ე წუთზე კი ხრაბროსტინმა 3:1-მდე გაზარდა ანგარიში. თამაშის დამთავრებამდე “დინამო” ერთთავად უტევს, 87-ე წუთზე ყიფიანი ამცირებს სხვაობას. ამის შემდეგ თბილისელებმა კიდევ ერთი გოლი გაიტანეს (გუცაევი), მაგრამ გვერდითმა მსაჯმა მ. კუსენმა (ლვოვი) თამაშგარე მდგომარეობა აღნიშნა.

გაიმარჯვა “ტორპედომ” – 3:2.

“ლელო”, 25 ოქტომბერი, 1977 წ.